

四庫全書

集部

欽定四庫全書

集部
明詩綜卷七十八

詳校官中書臣涂日煥

主事銜臣徐以坤覆勘

總校官降調編修臣倉聖脉

校對官庶吉士臣潘曾起

謄錄監生臣楊恪

欽定四庫全書

明詩綜卷七十八

翰林院檢討朱彝尊編

楊廷樞

二首

廷樞字維斗吳縣人崇禎庚午鄉試第一有古

柏軒詩集

徐孝若云維斗吾黨之李元禮房伯武也見義當前突起無畏近讀其遺

詩人之云亡遂成

千古之憾悲夫

靜志居詩話先生倡應社於吳中評隲五經文字張溥天如朱隗雲子主易楊彝子常顧夢麟

麟士主詩周銓簡臣周鍾介生主春秋張采受
先王啓榮惠常主禮記而先生與嘉善錢旃彥
林主書後與復社幾社合領解之後聲譽日重
門下著錄者二千人詩雖游好然如吉光孔翠
片羽皆足為珍且勝於服習竟陵派者多矣晚
歲巖居忽罹維繫其舟中遺書云廷樞幼讀聖
賢之書長懷忠孝之志為孝廉者一十五載生
世間者五十三年作士林鄉黨之規模肩綱常
名教之重任惜時命之不猶未登朝而食祿值
中原之有難遂蒙禍以捐生其年則丁亥之歲
其月則孟夏之中方隱遯於山阿忽陷身於羅
網時遭其變命付于天雖突如其來如亦已知
之久矣生平所學至此方覺快然千古為昭到
底終為不沒但因報國無能懷志未展終是人
臣未竟之事尚孤累朝所受之恩留此血衣以
俟異日舟中矢志不能盡言末書四月二十八

日復系以十絕
句文多不錄

訛聞

世塗繒繳多結廬在窮谷神悴嗟樊雉心危怯庖鹿耳
目異驚喜早暮更禍福先憂累親朋失色觀奴僕共傷
衰德鳳應賦知命鵬且當飲醇酒勿向詹尹卜

舟中

野岸官橋路已蕪寒江暮雨客舟孤烟中帆影時開落
霧裡山光半有無宿鳥驚心猶未下哀猿引臂自相呼

淒其古渡黃昏候一點漁燈起荻蘆

劉曙 二首

曙字公旦別字穉圭長洲人崇禎癸未進士除
南昌知縣未赴居父憂坐事械至江寧死于市
有節必居豪

乙酉八月十四夜匿影農家夢楊維斗作

襤被短簷下月華靜窺帳子來入我夢顏色耿相向為
別亦已久不問別來狀互言白髮新慷慨復悽愴分袂

還踟躕欹枕轉惆悵緬思定交日總角氣方壯文酒多
寄懷圭壁有微尚中原今陸沈吾道未淪喪亂離憶朋
儔雞鳴不能忘乃知君與友一氣相摩盪浩歌絕命辭
與子共酬唱所敦在宿昔存沒總依傍相期泰華顛千
秋訊無恙

烹悟泉因懷王克仲

相依謀已定相望意仍違清夢勞明月孤吟繞翠微分
泉甘苦共脫帽往來稀漸欲尋山徑秋風一款扉

顧咸正 五首

咸正字端木崑山人崇禎癸酉舉人除延安推官後死于難

詩話端木文康曾孫與弟咸建咸受子天遠天遠父子兄弟五人後先授命可謂不愧相門此外江陵有孫同敞別山嘉善有子棟仲馭而家叔祖咸都府同知大定君永均與烈風中勁草比節使後之作史者仿新唐書宰相世系撰表亦足以生色矣

登華山

倚杖高臺萬里秋山川元氣共沈浮金神法象三千界

玉女明妝十二樓，井鉞參旗皆北拱。
濁河清渭盡東流，愁看殺氣關中滿。
獨立南峰最上頭。

落葉

亭皋秋色乍淒其，葉葉枝枝悵別離。
靜院翻風人倦後，小牕敲雨夢驚時。
飄零漢殿哀蟬曲，憔悴陳宮玉樹詩。

却恐尊前歌舞罷，故園楊柳又依依。

沈山子云落葉詩
題顧氏昆友竝作

而端木熨貼
尤為擅場

上方巖

層層白雲堆石屋架其上鳥雀靜不喧半空人語響

猢猻愁

人心險于山平地覆車馬猢猻亦何愁愁爾登山者

新製藍布袍口號

鐵甲縱橫日綈袍寂寞時難將故鄉淚低向袖邊垂

夏完淳十一首

完淳字存古松江華亭人考功郎允彝子有玉

樊集南冠草

鍾廣漢云陳大樽選明詩存古年
纔十餘爾而宋轅文援其論詩以

作序此時已許其作後進領袖矣迨十五從軍
十七投命磨盾草檄不異老生宿儒信異稟也
詩話存古南陽知二江夏無雙東髮從軍死為
穀魄其大哀一賦足敵蘭成昔終童未聞善賦
汪錡不見能文方
之古人殆難其匹

仿古

月出西南樓流光入幽室盈盈十五女綽約好顏色素
手響金徽一彈三太息激楚變清商悲惋難自抑本以
待遠人所遇非疇昔薰風蕩羅綺卧懷行旅客夢中迷
遠道疇能辨南北飛禽習習還疑是君行蹟征雲無歸

期彷徨淚盈臆

秋懷 五首

祝融避炎陸金天肅秋駕玄蟬響高樹鷓鴣鳴深樹豐
草承露零朱華冒風謝蟋蟀變東榮素河轉西野自愧
蒲柳姿奄忽從物化久視多所悲疇能竟長夜

涼風何瑟瑟吹我遊子顏歷歷江上林流蟬鳴其間浮
雲西南征一去何時還駕舟凌洪波杖策窮崇山君子
不遑息小人豫以閒感激在溝壑敢念徒旅艱中夜起

百憂勞人獨長歎

秋色從西來風物自淒緊金飈辭炎暉玉露戒商軫
鵲薄暮鳴幽蘭望秋隕零落在一時榮華若朝菌高從
巢父樓下與壺公飲靜觀百歲間無名以為準

耿耿秋夜光雲中覩靈匹漢陰無報章河陽有棄輓霧
裊結雲環瓊珮何歷歷佳期匪綺節妙會乃涼夕微露
鮮玉枝輕飈動雕翼餘光歛欲馳流景逝已迫黃姑九
秋期婺女三光隔彷彿靈駕回參差空夜織

愁人不能寐羅帳含月光涼風吹芙蓉習習生金塘絡
緯鳴參差瓊露凝玄霜柔條日以勁瑤草不復芳盛衰
各有時憂來浩無方玄髮忽改白使我身世忘

魏尚平
云存古

秋懷諸作非謝
非韓游衍自得

精衛

惠風蕩芳樹有鳥鳴中林尾長羽翼短銜石隨浮沈崇
山日以高滄海日以深既無凌風姿延頸振哀音辛苦
徒自力慷慨誰為心惜哉志不申道遠固難任滔滔東

逝波勞勞成古今

楊柳怨

東風初度春江曲
大隄花草參差綠
昨宵烟雨盡傷心
今日鶯花空滿目
有客扁舟迴自傷
一江春色半垂楊
始知啼鳥皆牽恨
不是征人亦斷腸

秋夜感懷

登樓迷北望
沙草沒寒汀
月涌長江白
雲連大海青
征鴻非故國
橫笛起新亭
無限悲歌意
茫茫帝子靈

送杜于皇歸郢

分手金陵道相逢倍黯黯鶯啼楊柳岸人在木蘭船客
路三千里征衣十二年計程歸夏口明月兩回圓

寶帶橋

連天芳草青極浦獨揚舸歸鴈舟前落愁人夢裏聽花
光迷曉霧波影亂春星欲訪靈威穴孤帆入洞庭

葉尚高一首

尚高字而立樂清人温州府學生

詩話而立兵後佯狂幅巾大袖行於市太守見而執之賦詩云云釋之不問丁亥二月上丁攜水一盃采芹一束乘太守未釋奠哭於孔子之庭曰吾師乎吾師乎縱泰山之已頽曾林放之不如乎太守至怒繫之獄迨五月四日語獄卒曰詰朝屈大夫沈湘之日吾其死夫俾具湯沐至明自經而立詩無存市上所賦特游戲耳然亦孟榮計有功輩所當錄者

上太守

北風袖大惹寒涼
惱亂溫州刺史腸
何似蜉蝣易生死
得全楚楚好衣裳

林塗一首

塗字子野候官人崇禎癸未進士除海寧知縣
家居死事有恥齋集

為鄢德都畫竹

所南之蘭無土恥齋之竹無根想見百千年後熒熒紙
上血痕

瞿式耜一首

式耜字起田常熟人萬曆丙辰進士以右僉都
御史巡撫廣西死于難有寄傲集

遊虞帝祠次金道隱韻

祠宇蕭疎迴絕塵孤峰隨意著閒人
窺雲應傍巢松鶴破浪終同入釜鱗
茶盞酒鎗全部史風篙月槳一江春

予與子暇道隱扁舟泛月而歸却憐嶺嶠曾無恙
便託荒巖老此身陸
修云向隅之語誦之淒入肝脾

吳鍾巒一首

鍾巒字巒穉武進人崇禎甲戌進士除長興知縣謫紹興府照磨升桂林推官

大庾道中

亂離何地度年華老至仍憐去路賒
共指此心猶似水相逢多說已無家
關山寂寞行人少雲樹蒼黃落日斜
逆旅挑燈愁獨寐夢思應繞赤城霞

李向中一首

向中字豹韋號立齋鍾祥人崇禎庚辰進士除
長興知縣調秀水升車駕主事未任補職方舟
山下被執不屈死

題旅舍

雲外平林東郡天邊落日西峰悲涼此夕何夕燈火黃昏店中

周世臣一首

世臣字穎侯宜興人崇禎庚辰進士除漢川知縣以建言革職補永平府簡較升興化推官

游仙詩

園丘列奇樹北海生神芝翡翠曜瓊圃潛鱗戲瑤池飛

泉供漱齒白石為療飢姮娥降洪響安妃領其頤隨烟
上三島飄風凌九疑持此傲下士投簪來遠期

余鷗翔 一首

鷗翔字唱若號誕北辰溪人天啓乙丑進士除
金谿知縣調遂溪入為戶部主事歷員外郎以
布政參議守徽寧道轉山東遷浙江按察副使
調山東

聞劉念臺先生被放

皇威方震虢忠愛此時心抗疏回天苦憂時去國深雲
從歸路暗日為逐臣陰慘澹春明水秋蟬寂未吟

萬曰吉

五首

曰吉字允康黃岡人崇禎庚辰進士崑山知縣
有東有堂詩四集

塢影園

半壁依青嶂千峰落翠微草堂冰雪路山鬼薜蘿衣
塔仍棲鶴荒岡亦採薇中原方格鬪坐卧掩柴扉

寒食

東郊朝日靜北郭暮烟遲燕不巢新幕花猶戀故枝懶
投分肉社羞逐鬪雞兒屏絕人間事繇田弔子推

送吾無上人返廬山

萬里秋聲急青楓古渡平潯陽潮自落楚岸月孤明破
衲飢寒去芒屨雨雪行爐峰遙在望惠遠定相迎

哭艾千子

膚髮臣無恙朝廷事已非斯文將墜地先死亦知機遺

業驚殊域孤魂戀舊畿
酸風吹劍水丹旆暮雲飛

謝客

角里先生小築居蕭然衾枕半牀書
閉門覓句江湖外濯足招魂雨雪餘
郊酒動思千日醉辰瓜準擬一犁鉏
五陵公子多裘馬同學何人問草廬

朱日升

一首

日升字君旭淮安山陽人崇禎癸未進士

弔宋叟

天高木落起憂思
秋士悲歌正此時
何處靈均尋舊蹟
臨風三歎薦江籬

李之椿 一首

之椿字大生如皋人
天啟壬戌進士除行人遷

吏部主事歷官尚寶司卿
有指樹園集

朱雲子云徂徠

五律工秀起句尤用意如春曉淨江天青山入畫船家家楊柳青車馬不曾停真不減唐人風致

虎丘弔五人墓

亂賊兒孫擁安危呼吸爭五人能就死衆正始俱生矯
逆原非詔拳函不為名忠魂今尚在時映夕霞明

項禹揆一首

禹揆字子昆秀水縣學生與李之椿同遇害

和定齋陳子閉關

聞道牆東客翛然避竹陰泥封清濁酒箋輟短長吟沮
溺耕馬耦求羊徑轉深看君同臭味可許獨幽尋

畦本一首

本字允立丹陽人明永子縣學生坐事死有務
菴集

和袁景文白燕詩

瑤海春深舊壘非水雲漠漠望依稀雪中曳縷飄紅去
月上窺簾傳粉歸莫以處堂怡玉羽豈將巢幕語烏衣
故宮別殿今何向冷落梨花影共飛

張煌言二首

煌言字玄箸鄞人崇禎壬午舉人

詩話文信國至燕元世祖命具供帳如上賓既
我於柴市臨朝歎曰文丞相好男子不肯爲吾
用殺之誠可惜也興朝之主待亡國之臣其恕
若是聞公就執制府趙清獻公待之以禮慰勸
再三卒以不屈含笑受刑殮而葬之雷峰之右
至今有包麥飯而祭者清獻之寬仁足以頌矣

樅陽謠 二首

八尺風帆百丈牽
樅陽湖裏去如烟
江南米價秋來長
喜殺桐艚賣稻船

沿湖下網蕩湖船
網內纖鱗錦樣鮮
燈火湖光兒女笑
魚秧種得不須田

黃周星 二首

周星字九烟上元人育於湘潭周氏中崇禎庚辰進士除戶部主事疏請復姓晚居湖州有芻

狗齋集

詩話九烟晚變名曰黃人字曰略似又號圓菴
又曰汰汰主人又曰笑蒼道人布衣素冠寒暑
不易人有一言不合輒授罵嘗賦詩云高山流
水詩千軸明月清風酒一船借問阿誰堪作伴
美人才子與神仙年七十忽感愴于懷仰天嘆
曰嘻而今不可以死乎自撰墓志作解脫吟十
二章與妻孥訣取酒縱飲盡一斗大醉自沈于
水時五月五日也又仁和陳史繼新居於未晚

節納石子懷中赴龍淵寺門津中
死均不失為申徒狄徐衍一流

天台

勝蹟天台路移情入宵冥亂泉秋後寺絕壁古時亭
葉岼多濕蓮花峰更青白雲吾語汝且向石梁停

秋日與杜子過高座寺登雨花臺

被髮何時下大荒河山舉目共淒涼客來古寺談秋雨
天為幽人駐夕陽去國屈原終婞直無家李白只徉狂
百年多少憑高淚每到西風灑幾行

錢梅一首

梅字彥林嘉善人崇禎癸酉中順天鄉試以薦

除職方主事進郎中坐事死於市有白門集

俞右

吉云彥林貴公子性好結客復社未舉之先吳有應社彥林實倡之平生與卧子交最深卒同其禍仲子不識女壻夏存古咸有神童之目存古年十七慷慨就死與婦翁白首同歸尤世所難也

詩話吾鄉科第之盛數嘉善錢氏撫軍相國二房聯華接武相國有仲馭撫軍有彥林後先以死勤事賢子弟固自難得

七夕獄中作

對泣南冠度綺宵
江鄉千里客愁遙
雙星若識人間事
也定淒然罷鵲橋

徐爾穀一首

爾穀字似之嘉興人國子監生坐事被逮死白
門有畫水草堂詩橐

贈顏先生

萋萋芳草望中迷
落盡棠梨水拍隄
誰向扁舟憐別客

白雲相送板橋西

明詩綜卷七十八

欽定四庫全書

明詩綜卷七十九

翰林院檢討朱彝尊編

王 翊 三十四首

翊字介人嘉興布衣有秋槐堂集

周青士云崇禎之季詩歸

盛行人沿竟陵流派介人崛起禾中惟唐音是尚惜知已寥寥阨窮以沒伯道無兒若教不祀良可悼也 沈山子云介人所居止破屋一間種牽牛小庭中曉露未晞即對花吟詠日課數詩旁精詞曲有紅情言榴中怨詞苑春秋博浪沙諸傳奇頗慨忼自喜遺藁多逸僅存百一而

已

靜志居詩話介人初擅詞曲後研聲詩志取多
師不遺偽體其論詩於合處見離於離處求合
啓禎之間大雅不作毅然以起衰自任而知者
寥寥惟平湖陸職方嗣端心賞之嘗訪君於長
水值君洗硯河頭扶之登舟家人不知也遍遊
茗霅乃返既而入越謁陳推官卧子方置酒送
客君詩有前路夕陽外行人春草中之句卧子
擊節曰此今之高三十五也為序其詩詞遭亂
所居不戒於火惟餘小屋二間一供婦嬖一吟
詠其中有故人官府寮者造之不見尋卒於京
口五言如江湖長至日風雪上方山驛路通秦
遠峰陰入晉多枕柳千樹雨瘴霧百蠻天日氣
涵秋雨嵐光變夕曛楓林依水盡雲物近秋多
一二故人在飄零佳訊稀江山雄白下人物近

黃初山雪行人少江梅臘月多文章身後事邱
隴夢中山白社遠人日玄關閉子雲江山開一
望吳越在孤舟七言如夜月旌旗五馬渡秋風
草木八公山周道秋風行泰稷漢宮春雨長蒲
桃西蜀喻通司馬檄中山謗滿樂羊書秦塞忽
驚三月火漢家空待貳師功三月晴風高戰鼓
九江春水下樓船鑄語高華
此方虛谷所云律髓是也

銅雀謠

銅雀來起高臺銅雀落高臺作銅雀飛臺成基

天桃三章

灼灼天桃花于中林顧子惠我寧不嗣音

天桃灼灼花于林薄遲子不至憂心鑿鑿
陟彼南岡晨露瀼瀼匪岡則高我心孔勞

登臺

日暮登臺秋風鴈來慨然念遠離居寘懷躊躇千里靜
言勞思爰有旨酒斟之酌之拔劍高歌哀音孔多沉吟
忽斷中心奈何繁星告夕薄寒求衣明月不墮輕霜自
飛稽山之東大海處之衆山所歸曾不盈而逶迤今古
山川屢更嗚呼往者實多于生

民兵行

朝廷徵民兵移文下鄉縣
縣官承選募抽丁悉貧賤
含悲釋耒耜努力負弓箭
未諳邊塞苦先絕室家戀
臘月到漁陽飛霜割人面
來朝兩軍合生死期一戰
吞聲告同列封侯爾何羨

牧牛詞

二月三月春雨晴渚田水暖
芹牙生牧童驅牛出原隰
細草青青牛可食夕陽短笛
不見人吹過村南又村北

園桃

春花爛漫開春鳥間關啼一朝坐見物華改鳥聲啼盡
花成泥園中桃須老園中樹莫遣隨風到處飛飛出園
中去

休洗紅

休洗紅洗多紅漸失曾記初著時人矜好顏色徒傷未
散成棄捐悔不作事慎從前

烏栖曲

深宮烏啼天未旦城頭擊鼓明星爛吳王宴罷星未稀
繁霜落樹烏驚飛

官船曲

礮中水勢急與石相抵牾月暗富春山官船乘黑去
山家畏虎狼日斜閉門卧向夜官船來捉人嚴守邏
靜夜思

虛帳含秋月高樓怨別情明河一萬里夜靜水無聲

長干曲

揚帆下長江日落秋雲起夜半聞鄉音知是長千里

江皋曲

為愛新妝好東皋出采蘋春江千里色解珮不逢人

會稽竹枝詞

秋風秋雨正淒淒荷葉荷花香滿溪越女蕩舟愁日暮

歌聲盡在若耶西

楊柳枝詞

春寒殘雨日瀟瀟一曲驪歌上灞橋想到啼鳥今夜宿

不教攀折最長條

清涼山寺

蒼山樹如蓋乘高御清涼地遠暑亦寒江色明虛廊層
崖仰萬象古寺崇榱梁眼迷金銀界鼻擁旃檀香白雲
照巖穴有若日月光極視但長嘯凌風思翱翔

寒夜談遷至

故人越江海細雨連孤舟叩門告飢乏刺刺語不休自
從遠游歸中塗歷窮愁豈無相識人埽迹如仇讐腹值

今日飢問余能食不聞之發長歎誠為吾道羞青眼古
所難況于末世求伊余雖苦貧一飯君必留中園剪寒
韭糟牀漚新蕩酒酣兩耳熱率意成歌謳人生感行樂
不醉非良謀

待范四不至

落日澹清暉幽人在林樾回看往來路蒼蒼翠微沒天
高秋月空夜半星辰闕之子期不來長歌為誰發

宿董氏宛委山房

中夜虎渡水溪樹初風生颯颯吹哀湍衆山皆有聲深
庭久無月黯然三四星憂人獨求醉釋此離居情

王貽上云

警拔
可傳

寄沈十二

橫山生白雲鬱鬱半空起知君住其下獨宿白雲裏冬
月靜巖扉寒泉滌心耳嗟余役風塵引領望之子

王貽上云

及格

江亭遇舊

老畏干戈滿愁聞羽檄頻驚花射堂夕風雪故園春泉
下悲先帝人間識舊臣空將垂白淚鳴咽對沾巾

二十七夜見月

纖月依微見愁人起四更暫時成死魄幾日又哉生花
霧冥冥重星河湛湛傾鄰難催薄曙知爾有同情

四十初度

不才吾老矣萬事一蹉跎今日尚如此他年知若何空
囊初罷酒樂歲且狂歌每欲尋巢許無從訪薜蘿

送客還山右

春草太行山行人一騎還夕陽前路遠離夢索居閒鳳
舉今誰匹鴻歸不可攀所悲流水意千里送潺湲

石城晚眺

客心正搖落獨上石頭城天遠垂垂下江寒混混平愁
兼多病日老作異鄉情況值秋風後清砧急暮聲

邨居

獨樹寒烟外孤邨流水間偶隨花草去遠逐漁樵還川

暝罷垂釣日斜常掩闕何年事高隱歸卧鹿門山

周青士云

全學軻川

去越

步出越城門回看越城樹久客成故鄉徘徊不能去

客中九日

細雨成陰近夕陽湖邊飛閣照寒塘黃花應笑闕山客

每歲登高只異鄉

沈山子云不失唐音

亂後得張子書

沁園秋草舊回車惜別西河歎索居萬里河山經百戰
十年重到故人書

露筋祠

野岸分流截海垠安歌誰復賽波神孤舟夜向祠前宿
商女挑燈說露筋

漂母祠

一飯當年報所知王孫今日更何之平生自歎無知己
千里來尋漂母祠

維揚逢張子

輪蹄自送出吳關
楚乙燕鴻信不還
誰料十年兵火後
故人今日在人間

夏錫祚

五首

錫祚字玄寵別字書巖長洲人補崑山縣學生
有雪鴻堂詩草

詩話書巖五

古居然作家

化城菴舊是趙凡夫隱居處

入門無寸土起伏盡崖石其中窪者泉一一湛寒碧稍
加斧鑿功構此幽人宅不忍山骨傷廬舍寧取窄崇卑
就石勢為磴亦為壁雖行密室中鞏確響行屐軒廊倚
斷壑渡以橋盈尺昔人栖遯處遠與市塵隔今為佛子
廬筠簾有游客是時春事動山氣潤泉脈環轉軒櫺間
漸聞聲澹澹岑樓面青巘飛翠坐來積西牕杏一枝鮮
妍合畫格尚想寫生人玉臺去無跡
謂文夫
人做也空山萬籟
靜鐘磬響晨夕

自紫蜺澗至旋螺頂

荒蹊數人蹤樵路僅可辨
忽焉耳官清泉聲泠然
善入谷山四合仰視天一綫
陰陰冷翠滴竹色綠人面
泉行如秋蛇赴壑隨所轉
迴磴或阨之怒歎亦飛濺
偃木傍石梁渡客攀援便
故令坦塗隱不使門扉見
路窮出階墀曲折趨古殿
苔衣鹿胎斑亂點落梅片
巖阿架精廬清閭獨所擅
幽意領已永奇勝探未徧
復尋來時路一步一繾綣
夕陽照歸人紛紛下華甸

鄧尉妙高峰

茲峯昔言峻豈意乃平坦倚竹為幽深徧植萬竿滿蒼
蔚四面來不使濃翠散春時此天地未屬鶯花管相去
叢林遙所喜游踪罕法侶罷逢迎經過便踈嬾勿嫌坐
箕踞我佛亦偏袒第損趙州茶一喫至七盃豈惟小住
佳直可適予館

度風篁嶺至龍井

不知何年代人家猶太古叢篁高百尺深密掩村塢寥

寂絕人聲濃綠滴環堵徑轉下坡陀丁丁響樵斧道旁
萬松樹落落清可數叩門墮山翠竹裏僧開戶呼童汲
新泉泉自石穴吐烹以淪茗芽炒焙初出釜客言香色
絕僧意不自詡乍與佳勝辭迴顧失紺宇樹密天疑陰
泉吼聲帶雨忽聞遠村雞有路出漁浦

詠龐德公

風塵擾天地不到漢沔東至人所栖息山靈護微躬力
田自穰晦婦饁耕者翁羣雄戰四野雲表翔冥鴻靜中

有定鑒人倫識統宗詭辭對景升遺安樂貧窮豈知天
下事已付南陽公方其拜牀下深意默已通漢燼既可
噓匿影歸巖從采藥入鹿門世莫知所終神龍不見尾
雲霧深濛濛

顧 卦 三首

卦字琢公一字山臣錢塘人有今年草

詩話山臣工繆篆詩不為格律所縛持論亦復
不羈家居奇窘有桑門勸其修行以資來世福
山臣笑曰不知前生是何難狗作之孽使我今
生窮苦若從上人修行又不知來世是何難狗

安享是福傳者以為笑端然
正可發愚夫愚婦深省也

有夏

淫雨積洪澇八十有八日是月月小盡九十日餘一所
刺無幾時夏令倏云畢陽光久淪陷陰慘恣騰溢龍蛇
起平陸闢水入人室翳此白晝輝恐為魑魅叱阡陌匯
為海何有蓬與華人非金石軀浸寢自腰疾赤帝職烜
赫位莫與甲乙豈問大火亡秋冬竄為質江南號炎方
古語亦妄述土山焦欲流說者第詆譎彼蒼奪農夏豈

有富民術無已請端策筮卦十之七其占不濡尾是日
卜乃吉無何若木枝影向意表出朝光被畎畝疆理辨
溝洫鉏鋤四五動田父不終逸時還衣我葛饑也樂我
泌譬之出幽谷暗昉忽自失又如殿後師師老據軍實
取勝在一伸安問嘗九紕無夏忽有夏有夏乃有秣有
秣且釀酒以醉契玄謚

江臯

江臯有梅梅有枝青樓悅君君不知水郭舟喧趁潮去

月落沙禽啼滿樹

夜思

疎雨乍過菡萏陂
好風微動楊柳枝
前溪後溪權歌歇
夜半水明飛鷺鷥

陳道永一首

道永字非玄更名確字乾初海寧學生

詩話先生難經鏗鏗
詩不求工然亦流暢

東董子

春風亭子雨迷離
旅思紛紛憶舊知
別去好山游幾處
倦歸蕭寺記何時
期君南閣尊前話
看我西湖隄上詩
莫謂兩人容易見
滿頭白髮已如絲

偕吳仲木再游西谿

秦望歸來興尚賒
幅巾筇杖入山窪
迷離不記前朝路
寂寞還開古寺花
春水橋邊雲萬樹
晚風亭外月千家
可憐潦倒吳公子
頻道西溪勝若耶

孫茂芝 一首

茂芝字若英嘉善人有燕游橐

江南曲

少小住江南忘却江南好辛苦北游還喜見江南道

魏

平云口頭
語却佳

蔣之翹 一首

之翹字楚禪秀水布衣甲申後隱于市

詩話楚禪居射襄城詳對楚辭晉書韓柳文集
鏤板以行又輯樵李詩乘四十卷搜錄鄉黨先
正詩無遺兼能備舉逸事使聽者忘倦晚
年無子書籍散佚無餘詩乘亦亡可歎也

泊

止櫂知何地，攜藜復有邨。
落花緣艇出，鬪鴨近人翻。
未乞田家火，先邀野老樽。
百年知幾醉，潦倒復誰論。

沈自昌 一首

自昌字君克吳江人禮部主事琦子國子監生

客夜聞笛

為夢西州早，閉門高樓橫。
笛正黃昏闌，山風月愁清。
夜楊柳梅花憶故園，波起湘江飛落葉。
雨淋蜀道叫哀猿。

沙場多少征人淚一曲吹來欲斷魂

沈自然 三首

自然字君復吳江人副使琬子居母憂不勝喪
而卒其友私謚孝介先生有來思閒情二集

江南樂

初景爛銀浦溘溘浮鷗鷺儂情兩搖蕩持比春江色江
深蓮子齊水暖鴛鴦栖不須更相問家住橫塘西橫塘
連夾浦曲曲明如許誰打白蘋開前溪夜來雨雨霽上

南樓天高水影浮出門郎不見仍蕩來蓮舟

曉別曲

月沒星闌曉雞唱離人催起同心帳殘膏無焰淚花紅
不語含顰兩相向安得紅輪葬海底十年長伴多情死
從此人間無別離門前不種相思子

寄居湖上樓

藕葉將凋桂葉濃隔湖隱隱見雷峰獨松關口秋聲急
并入南屏寺裏鐘

沈自徵 一首

自徵字君庸吳江人亦副使琬子辟賢良方正

不就

詩話沈氏多才自詞隱生璟訂正九宮譜為審音者所宗而君庸亦善填詞所撰鞞歌伎瀟亭秋諸雜劇慨當以慷世有續錄鬼薄者當目之為第一流詩則嫌其稍平衍也

和施壘山學博送別韻

苜蓿闌干春漸肥榆關溟海雁書稀管城亦有封侯骨

磨盾看君試短衣

沈自友 一首

自友字君張吳江人都御史珣子承父廕入國
子監有綺雲齋橐

平沙灘

雲淡迷遙樹沙平障晚烟亂帆爭破浪斷岸遠連天野
渡傷歸客斜陽冷冷釣船荻花風起處聞雁獨淒然

徐韞奇 一首

韞奇字季華吳江人有西濛吟橐

田家樂

水遶莊窩竹遠牆宛然風景似柴桑
雨來大芋高荷夜秋在鱸魚莼菜鄉
戶外最憐楓葉赤籬根也有菊花黃
東鄰穫稻西鄰秫勸我先營碌碡場

魏廷薦一首

廷薦字友莊嘉善人有息踵居詩草

家子一畫淵明采菊圖見貽戲作

茅屋四五間修竹一二畝東籬逶曲折南山安戶牖
笑

蓉旣盛開菊又當重九此際陶淵明寧無人送酒

徐開任 一首

開任字季重崑山人有愚谷詩豪

朱長孺云季重詩原本少

陵深情至性激發而出使讀之者留連往復而不能自己

咏史

新都居攝時符瑞日盈耳不有翟將軍人心俱已死移
檄建義旗威名震遐邇時命雖不成稱兵從此始悲哉
兩黃鵠無人卹義士

送人游下邳

江南春色不勝情，俠士辭家事遠征。
天下侯王寧有種，世間賢子遂成名。
故交亂後無同志，羈客愁時有定盟。
豪氣未除淮海習，知君此去慰平生。

屠

曠 二首

曠字闇伯，嘉興縣學生，有勗齋集。

詩話：闇伯言無枝葉，行有規矩，詩亦雅正，不以風華見長。

古意

素絲非一絲機中織成帛卷舒生容光從郎自搖襪慎
勿染為緇終身不見白

贈別袁重其

高飛鴻雁滿關河此日寒江起夕波庾信哀時常作客
梁鴻去國獨行歌霜淒茂苑清砧急月照荒臺落葉多
為問吳中舊知己空山叢桂近如何

孫治 二首

治字宇台仁和縣學生有集

詩話字台刻意
摹古寧質不佻

渡漳

河北臨大水清漳還濁漳草迷銅雀綠沙走直沽黃疲
馬愁荒渡飛鳥逐野檣比來憂汎濫何計築渠塘

與闕六鈴

故人栖托近如何聞道玄亭自詠歌梅福游吳辭宦久
虞卿去趙著書多秋風絕塞來鴻雁白露寒塘遍芰荷
君意陸沉堪寄傲獨慙年歲轉蹉跎

張彥之一首

彥之一名慤字洮侯松江華亭人

朱朗詰云洮侯為人寬博

無同異其詩莽蒼不事繩尺質本景純而臻于嗣宗

擬古

小鳥愛初陽交交鳴條柯皎日麗窗牖惠風揚薜蘿蘭
蕙豈不懷馨香隔巖阿所思悵道遠軒車寧能過仰睇
浮雲馳志竟成蹉跎烟海既迢遞雲峰亦嵯峨百年會
有盡日暮徒悲歌

董說十二首

說字若雨烏程人晚為僧名南潛字寶雲有豐

草菴等十八集

詩話若雨腹笥便便未免有才多之恨至其硬語澀體絕不猶人方諸涪翁不足比於饒德操

有餘

讀曲歌

歡是巔上雲朝往暮來過斜陽照殘雨儂處獨晴多

清明竹枝詞

碧紗轎駐水塘灣楊柳風吹燕尾鬟要赴燈前絃子社
莫攜儂上虎邱山

南邨秋鬼謠

妖狐拜月霜花青髑髏騎馬空中行秋魂吹作塔鈴語
叫斷東流一溪水鬼車曉喚精靈去綠燈移過江楓樹
孟蘭招魂詞

靈風飄幢塔鈴語小玉魂歸立秋渚只言夜踏陽臺雲
蒼茫乍隔青楓雨擁髻來看水燈綠法王正奏無生曲

春日

賁茶烟透綠陰中
遮屋黃茅間瓦松
但遣異書供硯北
不妨野語聽齊東
香拈細雨招新夢
門閉春風仗短童
秋色今年應更好
小牕移得碧梧桐

山行

落日射背木葉滑
橫挑拄杖懸詩囊
海天二月發新翠
野廟斷烟生古香
洞口楓樹根可坐
山腰亭子名難忘
垂藤松鼠忒孤僻
纔遇遊人窟道旁

西溪客過期不至

往昔刻約言不食此回遠游心已貪
夜來坐到露花滴更復望君蓮
葉南眼底青天星四五夢中破琴徽
十三豆棚放語自清絕莫待霜落分
黃柑

蠶豆

誰賦田園雜興辭琅玕記取夏初垂
喜看桑底懸新莢恰值蠶眠未吐絲
細雨賣茶聲過後竹爐燒筍火停時
沙餅漆欄分前詠跼豆今逢第二詩

秋夜吟

人行積水涯，踏亂青松影。
吹滅秋牕燈，月白飛光冷。

夢華潭口聽客話嘉隆間大內舊事記之

二首

月華門外轉靈旂，照夜銀盤碧藕肥。
祠罷天孫桐葉落，君王新賜鵲橋衣。

江南風景藥王灣，霧縠單衣綠玉環。
紅芍藥邊碁局罷，自裁團扇畫秋山。

秦良玉詞

追奔一點繡紅旗
夜響刀環匹馬馳
製得饒歌編樂府
姓名肯入玉臺詩

何述稷 一首

述稷字公藝常熟縣學生有晴蓀草堂詩集

苦雨

客舍淹淹雨春愁甕裏天
竹含千嶂霧柳罨一溪烟
凍鳥翔還下飢蠶起乍眠
茅柴鄰酒熟慚愧貫無錢

朱扉 一首

扉宇開仲嘉興布衣

詩話開仲弱齡多病終其身不婚獨處深邨破
甌勝薪手自執爨間賦小詩不輕示人簡吳生
一律興
會自如

簡吳生

自誦梅花人日詩五旬不見但相思一春多雨愁無夢
二月輸官定賣絲行樂橋東逢客返著書窓下少人知
近傳孺子司邨社想見麤豪割肉時

金德開 一首

德開字爾宗蘇州嘉定人國子監生有詒翼堂

詩

紅葉

濃綠看初改江頭日漸紅寒生一樹早秋老萬山同最
豔朝霜後尤妍夕照中自能成晚興不欲媚春風

奚 濤 二首

濤字大蒙崑山人有肆閒堂詩草

雨霽自光福至玄墓

幽尋無定期興發及新霽移舟入林烟登歷從所契杖
策踰山橋淙淙澗流細蒼松夾道深修竹分籬翠草甲
抽故心梅香有餘蒂登高一憑眺湖水白無際微茫水
鳥翻斷續雲峰繼有懷云誰思榛苓徒款睎

舟行即事

蠶月江橋外荆扉八九家鶯啼兩岸葉雨漬一籬花溝
響新流細門抽櫂竹斜邨農行漸少無處問桑麻

胡山 二首

山初名日新字天岫宜興人僑居海鹽徙嘉興
梅會里

與彭仲謀

武原吾舊住結屋近滄溟鹽井紫沙曲魚風入市腥秋
雲蜃浪黑夜雨鬼燈青會有乘槎興還尋織女星

題畫

漁家背山郭門掩青楓樹夜半潮水生孤舟渡江去

李麟友 三首

麟友字振公一字于苑嘉興布衣

沈十二以匹練見遺賦謝

梅溪李生長衣褐冬亦不加夏不脫已經寒暑六七年
領衽不完襟縫豁沈郎好我情不踈贈我匹練五丈餘
製以為衣見賓客舉止覺與常時殊鄉人重衣不重德
談笑從今壯顏色

客夜

夕陰山翠重寒色上河橋夜雨三更鴈秋風八月潮官

亭人寂寂驛路馬蕭蕭
衰敝經年客歸魂不可招

登審山有懷周簣沈進諸子

長水通梅里橫山近硤川
登臨猶可見惜別已經年
葉落清秋樹鴻飛薄暮天
故人無恙否却望一淒然

劉純熙 一首

純熙字晦生慈谿縣學生

日暮

牛羊下日夕素月柴門生
宿鳥樹高下微風雲重輕
孤

邨轉聞寂萬象歸虛明地僻無鐘磬惟聞泉夜聲

胡嗣璜

一首

嗣璜字映日平湖人有墨龕集

秋泛

舟痕移處一溪涼柿葉初紅豆葉黃不獨尊鱸秋正美
邨醪也自發新香

程用楫

八首

用楫字濟臣休寧人有遜敏居遺草

詩話濟臣詩清真

堅老卓然名家

雨宿桃源菴

夕雨四山來奔灑萬松裏卧聞藥鉞泉激激聲不止道人然松膏中夜更坐起何處一燈青明滅深壑底曉看白龍潭應添數尺水

慈光寺

神廟賜額

白雲斷峰腰峰下亂松枯盤盤一徑盡金碧見雙闕飛閣跨虛空長廊翳修樾風箏四角鳴香氣諸天發緬昔

普門師王城走餅盞道感帝后尊帑歲賜禪窟幡幢內
家製像設天宮豁鬱鬱慈光書銀榜何飛越人代復幾
何下界事飄忽豈惟陵木拱講席亦消歇我憩娑羅陰
窺牕騰梭拂三歎出寺門幽篁吐微月

月夜宿院中小閣

暝色起平坡鐘聲滿山戶一禽忽驚聒涼月已復吐牕
櫺色如水松葉紛可數樹底坐白猿鬚髯極清古

湯泉

黟山峻嶒神所家丹崖石柱攢蓮葩陰陽爐炭爇坎窞
溫水千斛流谿衍人言驪山亦礪石惟有此地根硃砂
傳聞軒帝服丹乚肌膚皴裂人驚嗟香泉一浴浸七日
白龍晝見何衙衙珠衣寶冠照山谷便跨鱗鬣隨青霞
至今玉壺酌酒處石室尚有樽壘窪嗟予清淨本無垢
追逐世好羈籠笈裏糧偶到天子鄣解衣初試靈泉涯
浮丘天子不可見身輕疾愈還足誇山亭晞髮發長歎
安得躡足登雲車

喝石居

石室雲正暮溪流聲更長嬾殘何處去虎跡滿繩牀下
食白鵬靜侵階紅朮香無人指歸徑獨立殘陽

祥符寺

即軒轅宮

松梢佛剎金銀色傳是當年軒后宮陰殿已無丹鼎火
古壇惟飈寶幡風煙中白鶴參差下屋裏清泉曲折通
小坐山房話疇昔木蓮花發數枝紅

初冬送友游浙

江水新安淺雲山太末通行吟隨處好烏柏與丹楓

巨門樓

唐人于德晦詩云閒倚朱闌頻北望只宜名作
巨門樓遍詢樓址無一知者成一絕句


千層翠色向空浮百道紅泉石上流閒詠唐人舊時句
朱闌何處巨門樓

戴長汎一首

長汎號澄齋嘉興人有前後征草

苕溪漫步

四野干戈急蕭條此地秋村危吠山鬼水鳥狎溪牛落
葉飛重起哀湍咽更流無才堪濟世只合老林丘



明詩綜卷七十九

欽定四庫全書

明詩綜卷

八十五
十四

詳校官中書

臣

涂日煥

主事銜

臣

徐以坤覆勘

總校官降調編修

臣

倉聖脉

校對官修撰

臣

戴衢亨

謄錄監生

臣

曹希焜

欽定四庫全書

明詩綜卷八十

翰林院檢討朱彝尊編

張鹿徵

四首

鹿徵字瑤星後更名怡亦作遺應天人都督可
大子以府學生承廕歷錦衣衛正千戶甲申陷
賊不屈受刑潔身歸隱居攝山不出自號白雲
道者有古鏡菴詩內外集

靜志居詩話山人生時園中鹿亦產子因名鹿
徵而以瑤星為字崇禎間曾仕錦衣故其六十
初度詩云當年執戟侍明光親見彤雲捧玉皇
也山居鈔書頗多著述甚富予所見者僅玉光
劍氣集謏聞正續筆數種而已曩造其山居見
案頭有手抄宋李張炎叔夏詩集一卷今其遺
書不可復問詩
亦流傳者寡矣

友人移居

居市厭市蹢入山苦山僻非山非市間卜茲五畝宅到
門水一灣眠沙鶴一隻遙望鐘阜巔雲霞幻朝夕乍見
雨脚沉忽焉晴絮縈主人如冥鴻高舉不可弋丘壑盪

心胸花竹恣夷憚何時載酒過為君理雙屐

送萬年少歸淮陽

握手與子別勸子進一觴風日何黯澹道路阻且長舉
世矜中行無復狷與狂達人志寥廓世事等秕糠濯足
臨溪水散髮晞朝陽溪水日東流歸彼百谷王朝陽隱
豐蔀昏曠鮮晶光擾擾棼絲中誰為振其綱慨彼北風
詩虛邪徒自傷

雜詩

淺水平沙路淪連繞一邨夢回天地老亂後友朋存芳
草生幽澗新鶯語小園看山廣武後久不望中原

送葉榮木入閩

野鶴孤蹤道士顏層林千里入閩關不知烏石峯頭路
可似江南雨後山

薛 登 一首

登鄞縣人縣學生有面牆小橐

夏日

水閣虛涼枕簟清
榴花梳子覆牕明
綠陰滿地日卓午
卧聽鶯黃啼一聲

陸 璉

璉字茂璩吳縣人兩中武科甲申後削髮居蓮
子峯下自號了緣道人有楓江遺稿

題徐元歎落木菴

栖霞有精舍窈窕挂藤蘿
天與幽人占山偏落木多連
峰當户立一澗遶門過
近有離騷作非因學楚歌

張紀一首

紀字齊方崑山人振德子承廕錦衣衛所千戶

挂冠歸有槩菴集

江邨春望

春風爛漫遠天涯
曳杖江邨攬物華
身在故鄉仍是客
心從安處即為家
貧來生計號寒鳥
病後居諸赴壑蛇
更得幾年還健在
青門常種邵平瓜

吳璵一首

璵字于庭休寧人國子監生

答閨人寄懷

東風妝閣廠檐牙
春鎖重扉樹樹花
自是王孫歸未得
漫隨芳草到天涯

龔

賢一首

賢字半千上元人

百苦

百苦不一樂中宵
夢忽清有家長
作客到老尚謀生
牆

月背人下野風空自鳴明朝渡江水前路未休兵

楊焯 二首

焯字俊三吳縣人

秣陵雜詠 二首

形勝瞻天闕飄零問故宮金笳淮水北玉露蔣陵東
百戰黃圖盡重來紫氣空西京耆舊在辛苦說關中

西望窮牛渚中流雙闕分征帆江外斷鼓角夜深聞
地擁龍山雪天連鵠塞雲開平飛渡處寂寞百年勲

戴冠一首

冠字嵒仲一名易字南枝紹興山陰人有釣臺

詩集

詩話嵒仲高人與徐孝廉昭法結物外之契嘗
賦釣臺詩累百首託以見志哀而成集覽之未
免牽率友人續示集
外詩四首錄其一焉

釣臺懷古

已分垂綸老此生山田是處可躬耕
遠攜仙女全家隱
深悔羊裘大澤行
一夜星辰凌帝座
九重貴賤見交情

請看七里瀧中水未到錢塘徹底清

張

穆 一首

穆字穆之東莞布衣有鐵橋山人豪

酬客

吾本羅浮鶴孤飛東海東寧隨南翥鳥不逐北來鴻坐
愛千年樹高逾五尺童乘軒亦何苦隨意水雲中

溫

良 一首

良字叔子一字散宜烏程縣學生有大愚詩豪

冬日游景谷

塞原林壑靜獨往暮雲生嶺雪兼山遠河冰激石鳴修
篁翻鳥影古寺報鐘聲塵壒無由到臨流罷濯纓

汪中柱 一首

中柱字為石歙縣人杭州府學生有光霽軒集

唐栖夜泊

停橈繫淺岸寄迹似飄萍稻黍平疇熟魚鰕晚市腥殘
烟籠古樹遠火映迴盃旦爾何意勞人枕上聽

紀映鍾 一首

映鍾字伯紫上元人

城邊路

城邊路歌舞處十年變為墓十年犂為田十年成淺渡

曾傳燦 二首

傳燦字青黎寧都人有止山集

淮陰釣臺

漢高櫟金羹劉毅子鷺炙古人恩與仇遂乃在飲食至

今漂母祠朱薨耀霜日

夜坐

古樹搖寒風空牀對羈旅夜坐寂無人孤燈竄蒼鼠

陳祚明 二首

祚明字嗣倩仁和人
有稽留山人集

北征雜詩

秦郵湖曲路夜半獨行舟
月出光于水蟲鳴響似秋
荻蘆明遠岸城闕漾中流
更照篷牕裏蕭蕭映白頭

送劉石生歸秦中

送爾難為別，迢迢惜遠征。
君言不得意，匹馬返西京。
冰雪辭燕市，烟花入渭城。
計程逢改歲，千里客裝輕。

陸嘉淑四首

嘉淑字冰修海寧人有辛齋遺稿

詩話：冰修崇情遠跡，高酣長謠，文采風流，溢于賓座。晚雖藏身人海，而青蓮在泥，心終不染。

中秋

長記中秋月，當年坐夜闌。
祇今雙鬢影，畏向一輪看。
節

序驚心換光輝到面寒清尊不堪把哀樂本無端

登縹緲峯

樹杪輕輿去復留百盤初盡午烟收岡巒委地低全見
墟市浮空翠欲流輕浪受風搖別島斷雲兼雨失前洲
山根處處堪垂釣何日滄浪具一舟

姑蘇懷古

二首

離離春草射臺迷苦酒城荒舊築低一夜虎立山下雨
萬株楊柳綠初齊

戰殘江郭楚公旗
野苗吹過短簿祠
山上有城人不識
蛇牀花滿舊時基

韓純玉

十一首

純玉字子遜歸安人修撰敬少子有遜廬詩集

詩話中吳韓君望西吳韓子遜皆輯明一代之
詩君望曰詩存子遜曰詩兼惜其書均未布通
都二子先後奄逝其家人故友
不復肯出恐終歸覆醬而已

雜感

二首

穠矣棠棣華開當芳春時
蘇霜將洊至何為發高枝霜

飛一何早花開一何好但恐忘憂萱化作斷腸草

蓼蟲及桂蠹甘苦各自安賦性固有在分定不可干我
珮雖言雜豈克椒與蘭

游黃龍洞望太湖

登山水始白映水山更青山水相照曜萬象無遁形遙
天覆笠澤遠岫浮洞庭羣峰七十二散布如漂萍遊雲
變湖影長風吹漻泠中多萬斛舟揚颿無時停東流趨
瀚渤北望窺支硎直欲傲廣漢豈止欺濁涇崖端冠危

石崔巍復瓏璽混沌不自惜穿鑿疑五丁險怪駭神鬼
鬱積生雷霆深淵開絕頂習坎類井陘井收原勿幕天
闕終未扃神龍在其下屈伏猶蚯蚓潛雖勿當用時或
肯效靈春秋度祀典歆享惟德馨遺黎苦旱魃好雨亦
既零吾來恣憑眺徙倚觀翠屏漁歌和樵唱風磴連雲
汀時見莓苔際古人曾勒銘撫掌笑伯益失載山海經
題張鐵橋畫馬

鐵橋年已七十五醉裏蹢躅拔劍舞餘勇猶令筆墨飛

迅掃驂騑力如虎維繫蕭蕭古白楊四蹄卓立明秋霜
昂然顧盼氣深穩風髮霧鬚非尋常用之疆場一敵萬
如何閒置荒垆畔壯心烈士悲暮年永日披圖發長歎

鼠晝遊

嗟爾穿墉物晝遊安所之見人空有禮出穴竟無疑五
技未曾有兩端宜自持漫漫失長夜此去亦堪危

春日過金陵

策馬丹陽道行人白下來山青龍虎地草綠鳳皇臺舊

苑花仍發新亭客自哀蒼茫風景異懷抱幾時開

菱湖晚泊

望望武陵城扁舟兩日程遙峰天際沒孤月霧中生澤國長多盜荒邨亦駐兵昇平何日事把酒壯心驚

楚歸歲暮江行雜詠 二首

久泊忽開艤鄰舟欵乃同沙明千里雪帆借半江風皖口之京口吳宮望楚宮溯洄尋往跡泯滅亂流中

一舸乘流下臨風望玉臺遠帆如不動近筏忽浮來水

過潯陽急山從建德開長江天作塹此際重徘徊

寓興國寺作

擔簦栖古寺倚杖識殘碑
栢樹傳神禹桃花祀息媯
尋幽歸路晚望遠下山遲
浩浩長江水東流到幾時

自注
興國

寺古栢相傳大禹手植息夫
人廟在桃花洞稱桃花夫人

起餞

江中順流而下
逆風使帆也

江舟強于邁風水力相爭
潦尾循環見波心曲折行持
盈看往復濟險任縱橫
閱世從吾術危塗處處平

楊

炤 二首

炤字明遠先世清江人移家長洲補縣學生有

懷古堂詩選

顧與治云明遠詩一
往起詣出人意表

詩話明遠詩評者比之
雪山醍醐吾嫌其太滑

長蕩春汎

春心不自抑率意為歡賞既洽尋山興復生涉江想恰
當風日佳悠然進蘭漿綠楊映垂垂黃鸝鳴兩兩此時
盡一尊浩歌激清響遙望秦餘山開懷對西爽斜陽半

邨戶遠岸挂漁網逶迤出前浦蒼蒼月初上

戲詠

顏子陋巷居安貧固為好萬一受命長簞瓢至於老此時白髮翁非肉則不飽百年常飢飭無乃太枯槁

安

夏
二首

夏字大已無錫人有九龍山樵詩

雜興

日日雙扉掩經旬罷整冠夕陽僧寺遠秋雨女蘿寒有

竹深藏屋無花強倚闌
新來緣病嬾不上釣魚灘

初秋寄友

年年秋水碧連天
望斷楓江釣雪船
彭澤柳絲疎野岸
邵平瓜蔓冷湖田
謀生計拙重憐病
排悶詩多或廢眠
牢落故人空入夢
豈徒雙鬢轉蕭然

方授一首

授字子留桐城縣學生有秦川草

野外

野外無拘束青鞵東復西山行憑一杖草宿慣雙谿滑
想流匙飯甘餘入饌雞何時與兒子隨意得幽栖

俞南史 一首

南史字無殊吳江人

僧舍尋武伯不值

竹戶蘿闌一徑深獨來惆悵對空林寒梅白徧春山曲
只在花間不可尋

顧樵 一首

樵字樵水吳江人

題吳儀部讀書處

軒牕面水畫常開
嶺樹千重入座來
二月山城飛燕子
銜泥先到讀書臺

鄧森廣 一首

森廣字東之桐城人崇禎中貢生有杲園集

巫山高

巫山峭石與天齊
巫山峽裏白雲低
行人莫向巫山路

猿到巫山亦夜啼

陸繁昭 一首

繁昭字儼胡一字拒石錢唐人

晨步韜光道中示移暉上人

苔徑凌晨步
籬花帶露垂
溪雲流不盡
海日起何遲
往事每多悔
他生未可期
不如歸白社
杖履日相隨

馮愷愈 五首

愷愈字濟仲一字道濟慈谿人元颺子有涉江

錄西江詠

贈別方爾止

豐山西距蜀山東廿載賓朋聚散中
賸我孤遊尋舊壘
把君好句弔秋風
雨侵水榭更籌澀
淚逐歌筵蠟燭紅
斗酒更要連日醉
老年兄弟幾宵同

舟中寄六弟

家園花事總參差
舊種新栽繫遠思
木筆纔移成玉樹
櫻桃小接是垂絲
曾教隴鳥分明語
未絡珠藤一兩枝

憑仗六郎勤看取三三徑裏好題詩

榕堂雜詩 三首

紅牌祖訓甚分明進講詞臣合講經白日雷霆臣萬死

尚聞天語喚先生

黃公道周平
臺召對事

片語誰傳人不死一時萬口沸都城嚴霜獄底黃詹事
捧血淋漓寫孝經

蘆花殘月并蕭蕭曾囑金風玉體調華表夢中先得路

歸魂只溯海門潮

孫公碩膚沒于海外葬蘆花洲上丁
丑春公與計偕夢身卧狀元坊下南

宮既捷常歎其無徵及寔骨處乃國初張狀元墓道也公昔投子手札有金風方厲玉體善調之語

謝晉一首

晉字無可晚更名孔淵會稽儒學生

贈余若水城南隱居

宇內忽岑寂草木黯不芳獨有歲寒姿勁節凌清霜平
居慕栗里松菊猶未荒此生但飲酒笑傲同羲皇時會
既已殊意計難可量遙遙北郭望淒風起白楊故知年
壽永不若名行章哲人秉嘉德自使寵辱忘屈伸歸里

道出處隨天常葛巾漉糟粕短櫂歌滄浪古人不可即
日月長杳茫

錢肅潤 一首

肅潤字礎日無錫人有十峯草堂集

和徐案之九日雨阻堆山園居

閒居今日易行路古人難舟楫江方永干戈枕不安遠
烟千嶂合積雨一天寒此際逢重九茱萸未忍看

陸世儀 一首

世儀字道威太倉州人有梓亭豪

夜泊鹿城

渡頭星月暗離思滿歸舟此夜聞風雨山城一片秋

顧超 五首

超字子超吳縣人

詩話韓高士洽有明詩存選本其最心折者子超之長歌大約兼仿溫飛卿李長吉而神明之惜其全索求之不得吳徵士景果偶得鈔本錄其五詩當崇禎之際吳俗談詩者多惑於楚人之咻以空疎蕭寂相尚若子超之出入經籍卓然羣雅之遺

葑山亭

鶴艇蕩鷗沙游人在空曲年年采香處露冷蘭苔綠憶
昔風雨中高牕幾回宿

鄭駙馬冢

南國織錦愁花草春如翦驂裊女蘿叢陰風落紅蘚非
無十畝宮漸逐耕犁轉石馬嘶入潭金蠶不成繭夜半
玉簫鳴煮蒿發淒泣

東邨

金方月令卷八
包山名勝聞九州可以卜居非一丘昔人競誇西蔡麗
吾來獨愛東邨幽黎紅柰紫櫻桃赤雨後落花分五色
腰鎌手甕鮮游民出入無非灌園客桃源去俗僅一塵
孤花片水猶迷人此間高峙浪千尺無怪從來少問津

梅花 二首

香雪伶仃瘦莫支玉壺冰滿漏遲遲寒生紙帳春多夢
影過銀屏風倒吹遙憶斷橋無月夜最憐蕭寺閉門時
梨花白燕空惆悵前後相思兩不知

凍碎玻璃片片冰珍珠簾外雪層層飲教月落重開閣
坐到星殘不用燈谷口去年曾送客嶺頭今日又逢僧
江山無限留情處幾欲攜家竟未能

鄭女冢

自浦金粉割紅絲桃杏無顏五百年晉日尼師皈白佛
唐家貴主事金仙春寒宿草猶迷蝶露濯空桑欲化蟬
幾處禁烟人涕淚玉棺風雨但聞鶻

詩話鄭駙馬冢在洞庭山駙馬生女亦疾不嫁
舍身為尼葬于山中釋寶唱比牛尼傳晉土比

丘尼自洛陽竹林寺淨檢始唐會要審宗第八
女金仙公主入道蝶用韓馮事蟬用齊女事用

古却似

玉溪生

蔡仲光

三首

仲光字大敬蕭山人

涼州辭

賀蘭千嶂朔風秋萬里黃河入塞流滿地悲笳邊月冷
最傷情是古涼州

排遍

水調聞歌淚滿裾
思君遠戍十年餘
秋來無數南飛鴈
不寄雲中一紙書

送趙魯存北還

蒼茫秋色滿江關
客子菰蘆鼓櫂還
河北諸君猶健否
近聞半入太行山

項聖謨 一首

聖謨字孔彰秀水人

客虎丘中秋無月

驚心吳楚客，倏忽度中秋。
明月生何處，微風倚寺樓。
孤吟淹北渚，極目望西疇。
夜靜風傳柝，江臯動遠愁。

侯 槃 一首

槃字武功嘉定人

酬別徐李白

滄江倚櫂且高歌，游子銜杯意若何。
亂後飄零親戚少，天涯蹤跡別離多。
已悲楊柳愁中折，况遇賓鴻客裏過。
握手相期須努力，風塵十載莫蹉跎。

明詩綜卷八十

欽定四庫全書

明詩綜卷八十一

翰林院檢討朱彝尊編

慶成宴

靜志居詩話明高皇帝渡江丙午十二月命立郊社吳元年丁未圜丘方丘社稷壇成圜丘在京城東南正陽門外鍾山之陽方丘在太平門外鍾山之北社稷壇在宮城之西南洪武元年戊中正月南郊即位是年十一月冬至祀南郊禮成行慶成禮翼日大宴十年丁巳帝以分祭天地揆之人情有所未安命舉合祀之典即圜丘舊址為壇而以屋覆之命名大祀殿十一月

始合祀天地于奉天殿詔自今以首春合祀于南郊十一年戊午十月大祀殿成自是命太常每歲合祭天地于春首至嘉靖九年因夏言之請改議分祀其詳載嘉靖祀典兩朝樂章詞臣分撰雖以曲譜合乎雅頌者寡今擇稍典麗者著于編慶成宴樂章十五年正月定一奏炎精開運之曲再奏皇風之曲三奏春皇明之曲四奏天道傳之曲五奏振皇綱之曲六奏金陵之曲七奏長楊之曲八奏芳醴之曲九奏駕六龍之曲

皇風被八表熙熙聲教宣時和景象明紫宸開繡筵龍袞曜朝日金鑪裊祥烟濟濟公與侯被服麗且鮮列坐侍丹宸罄折在周旋羔豚升華俎玉饌充方圓初筵奏

南風繼歌賡載篇瑤觴欣再舉拜俯禮無愆同樂及斯

辰於皇千萬年

右再奏

周南詠麟趾卷阿歌鳳皇藹藹稱多士為損振皇綱赫
赫我大明德尊踰漢唐百揆修庶績公輔理陰陽坐令
八紘內熙熙民樂康氣和風雨時田疇見豐穰獻禮過

三爵歡娛良未央

右五奏

長楊曳綠黃鳥和鳴菡萏呈祥日麗風清及時為樂芳
尊在庭管音嘒嘒絲竹泠泠玉振金聲各奏爾能皞皞

國老載勸載懲明德惟馨永保嘉名無已太康哲人是

聽

右七
奏

夏王厥芳醴商湯遠色聲聖人示深戒千春垂令名惟
皇登九五玉食保尊榮日昃不遑餐布德延羣生大庖
具豐膳鼎鼐事調烹豈僅資肥甘亦足養遐齡達人悟
茲理恒令五氣平隨時知有節昭哉天道行

右八
奏

嘉靖祀典九年七月禮部議覆中允廖道南疏
云度成宴有平定天下撫安四裔車書會同表
正萬邦天命有德五辯又有仰天恩感地德
之曲載于會典或當時詞臣所撰猶為可觀

太廟時享

詩詒太廟時享春以清明夏以端午秋以中元
冬以冬至洪武二年正月定議行之迎神樂奏
中和之曲初獻奏壽和之曲武功之舞亞獻奏
豫和之曲文德之舞終獻奏熙和之曲文德之
舞徹饌奏熙和之曲
還宮奏安和之曲

慶源發祥世德惟崇致我眇躬開基建功京都之內親
廟在東惟我子孫永懷祖宗氣體則同呼吸相通來格

來崇皇靈顯融

右迎神

承前人之德化家為國母曰予小子基命成績欲報之

德昊天罔極殷勤三獻我心悅懌

右終獻

顯兮幽兮神運無跡鸞馭逍遙安其所適其靈在天其

主在室子子孫孫孝思無斁

右還宮

太學釋奠

詩詒洪武元年二月以太牢祀先師孔子于國學八月遣官釋奠于先師孔子五年尊孔子封

號曰大成至聖文宣王六年八月翰林承旨詹同學士樂韶鳳等上所製釋奠先師孔子樂章

迎神奏咸和之曲奠帛奏寧和之曲初獻奏安和之曲亞獻奏景和之曲終獻與亞獻同徹饌

送神俱奏咸和之曲

自生民來誰底其盛維王

嘉靖中
勅改師

神明度越前聖染帛

具成禮容斯稱黍稷非馨惟神之聽

右奠帛

大哉聖王

嘉靖中
勅改師

寔天生德作樂以崇時祀無斁清酏

惟馨嘉牲孔碩薦修神明庶幾昭格

右初獻

百王宗師生民物軌瞻之洋洋神其寧止酌彼金罍惟

清且旨登獻維三於戲成禮

右亞獻
終獻

犧象在前豆籩在列以享以薦既芬既潔禮成樂備人

和神悅祭則受福率遵無越

右徹饌

有嚴學宮四方來崇恪恭祀事威儀雖離歆茲惟馨神

馭還復明禋斯畢咸膺百福

右送神

雩祀

詩詒嘉靖九年禮臣等議日月令仲夏大雩帝
用盛樂春秋左氏傳龍見而雩後世此禮不傳
而在位者遇旱暵之災往往假異端術士祈禱
誣亦甚矣今請於郊兆之旁擇地以為雩壇每
歲孟夏以後舉行陛下於孟春上辛既祈穀於
上帝矣自二月至四月時雨而雨時暘而暘則
大雩之祭陛下可免親行遣官代之若其雨澤
愆期則陛下躬即其地以行禱祝其作樂陳舞
宜仿古昔之儀庶於禮為不失也十一年又進
議曰郊以禮為重雩以樂為主合照圓丘樂舞

之數以四方之色成樂舞之服庶稱古人盛樂
皇舜之制無請三獻禮成之後九奏樂止之時
命詞臣槩括雲漢詩詞別製雲門一曲使文武
之士青衿執羽並舞而合歌之乃定議迎神奏
中和之曲奠帛奏肅和之曲進俎奏咸和之曲
初獻奏壽和之曲亞獻奏景和之曲終獻奏永
和之曲徹饌奏凝和之曲送神奏清和之曲
望燎奏太和之曲祭畢使道童歌雲門之曲

百川委潤名山出雲愆暘孔熾膏澤斯屯祈年于天載

牲于俎神之格思報以甘雨

右進俎

立春特享武宗

詩詒嘉靖十四年二月重修太廟立春特享九廟於武宗迎神奏太和之曲初獻奏壽和之曲

亞獻奏豫和之曲終獻奏寧和之曲
徹饌奏雍和之曲還宮奏安和之曲

列祖垂統景運重熙於惟武皇昭德勅威用翦除姦兇
大業弗隳專廟以享經禮攸宜俎豆式陳庶幾來思

圜丘

詩話圜丘樂章二首嘉靖初大學士霍韜撰
嘉靖祀典不載殆進呈而別用他人之作也

昊天在上我祖在側我奠我幣於焉踰躅昊天在上我
祖在旁我奠我帛於焉皇皇天佑皇祖錫我民祐

右奠帛

巍巍蕩蕩帝德無象無曰無象昭昭在上蕩蕩巍巍帝

德無為無曰無為下式九圍服帝之德朝乾夕惕庶幾

無斁帝心悅懌

右送神

升祔

嘉靖中定

詩話嘉靖十七年七月上興獻王尊謚曰知天守道洪德淵仁寬穆純聖恭儉敬文獻皇帝廟

號睿宗九月升祔于廟迎神樂奏太和之曲初獻奏壽和之曲亞獻奏豫和之曲終獻奏寧和

之曲徵饌奏雍和之曲送神奏安和之曲皇妣慈孝貞順仁敬誠一安天誕聖獻皇后升祔樂

章同

酌彼鬱鬯玉瓚是將敬哉奉盈有飴其香儼皇祖在上

八聖在旁合享交歆神容洋洋

右初獻

改上成祖謚號

詩話嘉靖十七年九月更太宗文皇帝稱成祖迎神樂奏太和之曲舉冊寶奏熙和之曲初獻

奏壽和之曲亞獻奏豫和之曲終獻奏康和之曲徹饌奏永和之曲送神奏安和之曲

高皇謨烈我祖是成誕垂裕于後昆孝孫是徵援今稽古薦茲尊稱奕奕闕宮歲事有恒子子孫孫百世其承

右送神樂奏安和之曲

伐倭告祭南郊

嘉靖中撰

天啟有明百神率職殄逆助順無征不克九州莫安維
帝之德載獻載趨既齊既授

告祭北郊

粢盛既潔齊明是將精誠感通昭格洋洋威稜贊翼我
伐用張邊燧永清海波不揚

詩詒魏樂府不成於曹劉而成於繆襲晉樂府
不成於潘左張陸而成於傅玄宋樂府不成於
鮑謝而成於何承天北齊樂府不成於蕭慤而
成於陸印皆屬恨事明洪武樂章率出四學士
之筆嘉靖樂章率出議禮諸貴人之詞假孝陵
改命伯溫李迪永陵改命揖欽君采則其辭定

遠追奚斯考父之盛
不若是之儒純矣

明詩綜卷八十一